



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏ

Ո Ր Ո Շ ՈՒ Մ

06 հունիսի 2019 թվականի թիվ 80 -Ա

ՏԱՎՈՒՇԻ ՄԱՐԶՈՒՄ 2019 ԹՎԱԿԱՆԻ ԱՄԱՌԱՅԻՆ ԶՈՐԱԿՈՉ ԿԱԶՄԱԿԵՐՊԵԼՈՒ ՄԱՍԻՆ

Ղեկավարվելով «Զինվորական ծառայության և զինծառայողի կարգավիճակի մասին» Հայաստանի Հանրապետության օրենքի 19-րդ հոդվածի 4-րդ և 25-րդ հոդվածի 1-ին մասերով ու «Այլընտրանքային ծառայության մասին» Հայաստանի Հանրապետության օրենքի 6-րդ հոդվածի 1-ին մասով, ի կատարումն Հայաստանի Հանրապետության կառավարության 2019 թվականի մայիսի 16-ի «Շարքային կազմի պարտադիր զինվորական ծառայության 2019 թվականի ամառային զորակոչ հայտարարելու և զորացրում կատարելու մասին» թիվ 590-Ն որոշման պահանջների՝

որոշում եմ.

1. Հաստատել ՀՀ Տավուշի մարզի զինվորական կոմիսարիատի ամառային զորակոչային հանձնաժողովի կազմը /համաձայն հավելվածի/:
2. Տավուշի մարզի զինվորական կոմիսարին.
 - 1) 2019 թվականի ամառային զորակոչն անցկացնել սահմանված կարգով 2019 թվականի մայիս-հուլիս ամիսների ընթացքում հաստատված գրաֆիկով՝ ապահովելով նախատեսված թվաքանակը.
 - 2) Ժամկետային զինվորական ծառայության զորակոչից խուսափող Հայաստանի Հանրապետության քաղաքացիների վերաբերյալ նյութերը սահմանված կարգով տրամադրել Հայաստանի Հանրապետության ոստիկանության համապատասխան կառուցվածքային ստորաբաժանումներին:
3. Առաջարկել ՀՀ Լոռու կայազորի զինվորական դատախազությանը.
 - 1) Քննության առնել զինկոմիսարիատի կողմից տրված տարկետումների, զինվորական հաշվառումից և գրանցումից դուրս գրվելու և արտոնություններ տրամադրելու օրինականությունը.
 - 2) ՀՀ օրենսդրությամբ սահմանված կարգով անհրաժեշտ միջոցներ ձեռնարկել զորակոչից խուսափողների նկատմամբ և իրավասու պետական մարմինների միջոցով հայտարարել նրանց հետախուզում:
4. ՀՀ Ոստիկանության Տավուշի մարզային վարչությանը.
 - 1) Ապահովել զինակոչիկների անվտանգ տեղափոխումը և հասարակական կարգի պահպանումը զորակոչային տեղամասում.

2) Ապահովել մարզի տարածքում և մարզի տարածքից դուրս գտնվող զորակոչիկների որոնումները և նրանց պարտադիր ներկայանալը զորակոչային տեղամաս.

3) Զորակոչի ընթացքում զորակոչիկներին փոխադրող ավտոբուսներին ուղեկցելու համար զորակոչային տեղամասին կցել ճանապարհային ոստիկանության անձնակազմեր:

5. ՀՀ Տավուշի մարզպետարանի առողջապահության և սոցիալական ապահովության վարչությանը.

1) Զինկոմիսարիատի հետ միասին համալրել հանձնաժողովները բժիշկ մասնագետներով՝ նախապատրաստելով պահեստային բժիշկներ և անհատական կազմը ներկայացնել ՀՀ առողջապահության նախարարության հաստատմանը.

2) Զինկոմիսարիատի հայտով զինակոչիկների ֆյուրո /ոենտգեն/ զննում, սոնոգրաֆիկ հետազոտում, ինչպես նաև կանխարգելիչ պատվաստումներ կատարելու նպատակով հանձնարարել մարզի առողջապահական համակարգի բուժկանխարգելիչ հաստատություններին՝ ապահովել անհրաժեշտ քանակով պատվաստանյութեր, ֆյուրո /ոենտգեն/ ժապավեններ և երևակման նյութեր:

6. Մարզպետարանի կրթության, մշակույթի և սպորտի վարչությանը.

1) Հսկողություն սահմանել մարզի հանրակրթական դպրոցներում ռազմագիտություն և ֆիզկուլտուրա առարկաների կաբինետները տեսադիտակտիկ նյութերով ապահովելու գործընթացին և դասավանդման որակին.

2) Ակտիվացնել հանրակրթական, միջնակարգ մասնագիտական և բարձրագույն ուսումնական հաստատություններում անցկացվող ռազմահայրենասիրական միջոցառումները:

7. Մարզի տեղական ինքնակառավարման մարմինների և կազմակերպությունների /անկախ կազմակերպական և իրավական ձևերից/ ղեկավարներին.

1) Քրեական պատասխանատվության կանչված և հետախուզման մեջ գտնվող զորակոչիկների ցուցակներն ստանալուց հետո նրանց նկատմամբ կիրառել աշխատանքային, տնտեսական և այլ ոլորտներում՝ Հայաստանի Հանրապետության օրենսդրությամբ նախատեսված սահմանափակումներ և գտնվելու վայրի մասին անհապաղ իրազեկել իրավասու պետական մարմիններին.

2) Իրավասության սահմաններում ապահովել Հայաստանի Հանրապետության զորակոչային տարիքի քաղաքացիների ներկայանալը մարզի զինվորական կոմիսարիատ:

8. Մարզպետարանի տեղեկատվության և հասարակայնության հետ կապերի բաժնին՝ ընդլայնել ռազմահայրենասիրական աշխատանքների լուսաբանումը տեղական և հանրապետական ԶԼՄ-ների միջոցով:

9. Սույն որոշման կատարման նկատմամբ հսկողությունը հանձնարարել մարզային զորակոչային հանձնաժողովին:

ՄԱՐԶՊԵՏ

Հ.ՉՈՒԲԱՆՅԱՆ

X



Կ Ա Ջ Մ
ՀՀ ՏԱՎՈՒՇԻ ՄԱՐԶԻ ԶԻՆՎՈՐԱԿԱՆ ԿՈՄԻՍԱՐԻԱՏԻ ԱՄԱՌԱՅԻՆ
ԶՈՐԱԿՈՉԱՅԻՆ ՀԱՆՁՆԱԺՈՂՈՎԻ

Կ. Հարությունյան	-	Հանձնաժողովի նախագահ, Տավուշի մարզի զինկոմ
Գ. Փիրումյան	-	Սրտաբան
Լ. Կյուրեղյան	-	Սրտաբան
Ա. Բայրամյան	-	Թերապևտ
Կ. Ավագյան	-	Թերապևտ
Ս. Մարտիրոսյան	-	Նյարդաբան
Լ. Պողոսյան	-	Նյարդաբան
Հ. Հարությունյան	-	Հոգեբույժ
Ն. Հակոբյան	-	Հոգեբույժ
Լ. Հարությունյան	-	Քիթ-կոկորդ-ականջաբան
Ա. Կարապետյան	-	Քիթ-կոկորդ-ականջաբան
Ս. Սիմոնյան	-	Վիրաբույժ
Կ. Բեգլարյան	-	Վիրաբույժ
Գ. Զիլինգարյան	-	Վնասվածքաբան
Զ. Աստեղյան	-	Վնասվածքաբան
Վ. Սարգսյան	-	Մաշկաբան
Ա. Օհանյան	-	Մաշկաբան
Ա. Դալլաքյան	-	ակնաբույժ
Զ. Ղամբարյան	-	ակնաբույժ
Ս. Փարսադանյան	-	բուժքույր